

Image not found

<https://lirica-medievale-romanza120/sites/all/themes/business/logo.png>

Published on *Lirica Medievale Romanza* (<https://letteraturaeuropea.let.uniroma1.it>)

Home > FOLQUET DE MARSELHA > EDIZIONE > Tant m?abellis l?amoros pessamens >
TRADIZIONE MANOSCRITTA > CANZONIERE b1

CANZONIERE b1

- letto 226 volte

Edizione diplomatica

Image not found

https://letteraturaeuropea.let.uniroma1.it/?q=sites/default/files/stories/330_px/public/01%2021.jpg&tok=537591x

Tan mabelis lamoros pensamens
que ses uengutz en mon fin cor asire,
que noi pot nuills autre pens caber
Ni mais negus nomes dous, ni plazens
Cadoncs uiu sas, can mausi*ol sispire
Efin amors maleuia mon martire,
quem promet ioi mas trop lom dona len
Cap bel semblan ma trainat loniamen.
Ben sai que tot can fine es dreit niens,
Ieu quen puosc als samor mi uol ausire?
Ca*escien ma donat tal uoler,
que ia non er uencutz, ni el no uens,
Uencutz si er quaucir man li consire
Tot soauet, car de leis, cui desire
Non ai socors, ni d'allora nolaten,
Ni dautramor no puesc auer talen.
Per so dona nous am sauiamens,
Car uos sui fis, et a mon ops traire,
E uos desir perdre, e mi non puesc auer,
Eus cug nozer, e soi a mi sui nolens,
Per so mon mal nous aus mostrar, ni dire.
Mas a lesgart podetz mon cor deuire,
quieus cug dir, mas eras men repen,
E port els hueills uergon *a, et ardimen.
Bona dona, sius platz, siatz sufrens
Del be quieus uueill, quieu sui del mal
suffrire,
E puis lo mals nom pobra dan tener,
Ans et semblan quel partem engalmens;
E sa uos platz quen outra part me uire,
Partes de uos la beutat, el dons rire,
El dous parlar, que menfolis mon sen,
Pueis partir mai de uos mon escien.
A totz iorns mes plus belle, plus plazens,
Per son uuoill mal als hueills, ab queus
remire,
Car no uolgr* i*
Carnon dan uezon trop sotilmens,
Mos dans non mer, car si uals nom nazire,
Ans es mos pros dona, perquieu malbire,
Si mausizetz, que nous estara gen,
Car lo mieu dan uostres er eisamen.
Trop uos am mais dona quieu non sai dire,
E si anc iorn aic dautramor dezire,
No men penet cauous am per un cen,
Car ai proat autrui captenemen.
Ues Nemze uai Chansos, qui ques nazire,
Que gaug nauran, per lo mieu escien,
Las tres donas, a cui ieu te presen.

Image not found

https://letteraturaeuropea.let.uniroma1.it/?q=sites/default/files/styles/330_px/public/b1%20r2.jpg&itok=7oiy5xG5

- letto 199 volte

Edizione diplomatico-interpretativa

- letto 207 volte

Riproduzione fotografica

- letto 209 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/canzoniere-b1-21>